

# Bloed Verbond

## Die bloed Verbond

As jy die Skrif oopmaak op die eerste blaaie sal jy lees dat dit die ganse "heilige" (rein) Skrif is wat al die Kanonieke boeke bevat en dat dit 'n Testament is van die Ou en Nuwe Geskrifte. So lees ons ook waar die Nuwe Testament begin: Testament of Nuwe verbond.

Kom ons kyk eerstens wat die betekenis is van Testament en Verbond. 'n Testament is 'n eensydige kontrak waarvan die opsteller sy eiendom opdeel soos hy voel reg is. Die opsteller vra dus vir niemand oor hoe hy sy besittings gaan verdeel en aan wie hy dit gaan uitdeel nie. 'n Testament kom dus in werking wanneer die opsteller te sterwe kom. 'n Verbond aan die anderkant is waar twee of meer bymekaar kom en eenstemmigheid kry sodat daar 'n kontrak tussen die twee partye opgestel kan word. Die Verbond kontrak is dus nie eensydig nie, maar 'n ooreenkoms tussen partye. Beide die partye moet saamstem waarvan daar 'n getuie moet wees om die ooreenkoms te bekragtig. So met die instem van partye sal die getuie se handtekening verskyn saam met die twee partye se handtekeninge op die kontrak. Enige Verbond tree in werking wanneer al die partye se handtekeninge daarop is, en bly dan in werking totdat een van die verbond opstellers afsterwe. Na 'n sterfte is die tweede party vry van daardie ooreenkoms en die kontrak is dan tot niet. *(vat die huwelik tussen man en vrou. As die man tot sterwe kom en daar was geen kinders in die huwelik nie is die vrou nou vry van die huweliksverbond en sy is vry om weer in die huwelik te tree).* 'n Verbond het m.a.w. voorwaardes waarvan 'n Testament dit nie het nie. Verbond is eenstemmigheid waarvan 'n testament gewoonlik onenigheid veroorsaak.

Wat al die woorde vir ons tot dusvêr sê is dat ons deur ons hele Skrif (Bybel) die woord Testament kan doodkrap en dit vervang met Verbond. Daar bestaan nie 'n Testament nie, maar wel 'n Verbond tussen ons en YHWH. Ons het 'n ou priester orde gehad waarvan die Leviëte met Aäron as hoof in die Tabernakel diens gestaan het. Die nuwe priester orde wat ons nou reeds besit gaan ons nou bespreek en so ook die Nuwe Verbond.

Die bloed Verbond wat YHWH met Abraham en sy nageslag aangegaan het is beperk tot die Uitverkiesing waarvan ons as Israëliëte deur YHWH se guns dit bekom het. Die Verbond het sy bekragtiging gekry in die woord beriyth (bereeth) in Hebreeus (H1285) wat sny van vleis dat die bloed uitkom en of vleis in twee stukke te sny en deur die stukke te beweeg.

Ons moet nie verwar raak tussen die verskillende Verbonde wat ons in die Skrif vind nie. Daar is die Verbond met Adam, die Verbond met Noag, die Verbond met Isak en Jakob, ens.

Die Abraham mitiese verbond wil ek graag aanraak en ook die volk sin. YHUUH se Verbond was met Abraham en dit was net tussen ons Skepper en Abraham

*( Gen 17:2 ,5 En Ek wil my verbond sluit tussen My en jou, en jou buitengewoon vermeerder. 5 Daarom sal hulle jou nie meer Abram noem nie, maar jou naam sal wees Abraham, want Ek maak jou 'n vader van 'n menigte van nasies. )*

Die Sinaitiese Verbond is waar YHUUH met die volk 'n Verbond oprig. *(Ex 19:5 As julle dan nou terdeë na my stem luister en my verbond hou, sal julle my eiendom uit al die volke wees, want die hele aarde is myne. Ex 24:3,6-8 Toe Moses kom en aan die volk al die woorde van YHUUH en al die verordeninge vertel, antwoord die hele volk met een stem en sê: Al die woorde wat YHUUH gespreek het, sal ons doen. 6 En Moses het die helfte van die bloed geneem en dit in komme gegooi en die helfte van die bloed teen die altaar uitgegooi. 7 En hy het die boek van die verbond geneem en dit voor die ore van die volk geles. En hulle het gesê: Alles wat YHUUH gespreek het, sal ons doen en daarna luister. 8 Toe neem Moses die bloed en gooi dit uit op die volk en sê: Dit is die bloed van die verbond wat YHUUH met julle gesluit het op grond van al hierdie woorde.)* M.a.w. dit was 'n Huwelik Verbond. Toe die volk die Sinaitiese Verbond aanvaar was dit om YHUUH te ontvang *(as Bruidegom)* en te aanvaar as Koning. Toe die volk die verbond oortree *(veelmaal)* het hulle YHUUH verwerp as Koning.

Soos bo verduidelik, moet daar twee partye wees en 'n tussenganger as getuie. Met Abraham het YHUUH gesê dat Hy by Homself sweer *( Gen 22:16 : Ek sweer by Myself, spreek YHUUH Jes. 45:23 Ek sweer by Myself; geregtigheid gaan uit My mond, 'n woord wat nie herroep word nie: dat voor My elke knie sal neerbuig, by My elke tong sal sweer.)* en omdat daar 'n teken van herinnering moet wees aan die Verbond sal daar besnydenis wees. *(Gen 17:11 julle moet aan die vlees van julle voorhuid besny word, en dit sal 'n teken wees van die verbond tussen My en julle.)*

Die Ou priesterorde het sy ontstaan en werking gekry nadat die volk dié Verbond *(huwelik Verbond)* ontvang en aanvaar het op die berg Sinai. Met die ooreenkoms was dit soos volg: Die volk het hardop geantwoord dat hulle die Verbond aanvaar van YHUUH. YHUUH stel vir Aäron aan wat Sy Wet en Verordeninge moet handhaaf deur die Levitiese orde. Ons sien nou YHUUH en die Volk as die twee partye en Aäron met die Leviete in die Tabernakel, waarvandaan die Wet *(Verbond)* gehandhaaf en onderhou moes word. Die Tabernakel was daar vir vrede tussen YHUUH en die volk en so ook vir orde.

Die Tabernakel was ook 'n simbool van 'n fisiese liggaam waar daar voortdurende dood voorgekom het. M.a.w. die Tabernakel was 'n liggaam wat dood en lewe gesimboliseer het. Die bloed van slagoffer en spysoffer wat gedood was, het gedurig gevloei vir die volk se sondes.

Die bloed is die simbool van die dood, want as bloed gestort word gaan die lewe uit daardie liggaam saam met die bloed. Die lewe en die siel is in die bloed. Ons moet nie fout maak om te dink dat bloed dood of lewe is nie. Die bloed simboliseer die dood, maar is wel die draer van die lewe. Al het bloed gevloei is die lewe nog steeds daarin teenwoordig. (*Lev 17:11 Want die siel van die vlees is in die bloed, en Ek het dit aan julle op die altaar gegee om vir julle siele versoening te doen; want die bloed bewerk versoening deur die siel.*)

Met ons voorvaders se ongehoorsaamheid en hulle hoerery (soos in 'n huwelik) is daar 'n skeibrief aan hulle gegee. (*Jes. 50:1 So sê YHUH: Waar is tog die skeibrief van julle moeder waarmee Ek haar verstoot het? Of wie is daar van my skuldeisers aan wie Ek julle verkoop het? Kyk, weens jul ongeregthede is julle verkoop, en weens jul oortredinge is julle moeder verstoot.*) Die Ou Verbond is verbreek en tot niet verklaar deur YHUH en Hy het ons verlaat as volk.

Bo het ek mos die beginsels van 'n Verbond verduidelik nl: Twee partye en as die een sterf dan is die verbond tot niet. Abraham sterf, maar Skepper YHUH het 'n voortdurende Verbond met hom gesluit deurdat daar 'n besnyding moet wees as teken sodat die Verbond homself kan herhaal. So na Abraham se dood het dit staande gebly tot op Moses. Moses op sy beurt ontvang alles van sy voorvaderlike verordeninge en so ook die 10 Gebooie. Die huwelik wette en verordeninge word verbreek (m.a.w. nie net wat Moses ontvang het nie, maar ook Abraham sin.) en YHUH skei die volk weens hoerery. In Mat 5:32 bevestig YHUH as YAHUSHA :*Maar Ek sê vir julle dat elkeen wat van sy vrou skei, behalwe omrede van hoerery, maak dat sy egbreuk pleeg, en elkeen wat die geskeide vrou trou, pleeg egbreuk.* Weens hoerery mag YHUH Abraham se nageslag skei! As geskeide vrou staan jy nie meer onder die huwelik wette van jou gewese man nie, dus verval die besnydenis teken van Abraham.

Ons moet net een ding nooit vergeet nie en dit is om verwar te word met YHUH se 10 Gebooie en die wet en verordeninge van die huwelik van die volk nie! Die huwelik wet is weg, maar die Gebooie bevestig YAHUSHA baie maal. (*Joh. 15:10 As julle My gebooie bewaar, sal julle in My liefde bly, net soos Ek die gebooie van My VADER bewaar en in Sy liefde bly.*)

Baie wil nog aan die Ou Verbond vasklewe wat soos ons sien tot niet is. Hulle dink as hulle in die vlees sukses het, het hulle sukses in die gees ook, maar dit is die teenoorgestelde, want die vlees dryf hulle weg van die gees. Die vlees wat die wêreld simboliseer moet oorwin word sodat die nuwe Verbond wat ons lees in die Skrif kan kom. (*Jer. 31:31 Kyk, daar kom dae, spreek YHUH, dat Ek met die huis van Israel en die huis van Juda 'n nuwe verbond sal sluit;*)

Nou kom ons Trooster YAHUSHA en gee vir ons baie geheime deurdadig dat ons dit kan verstaan. Hy wys vir ons as volk weer die Ou Verbond, maar met die verskil dat Hy nou die Middelaar sal wees met die nuwe. (*Mat 5:17 Moenie dink dat Ek gekom het om die wet of die profete te ontbind nie. Ek het nie gekom om te ontbind nie, maar om te vervul Mat 9:13 Maar gaan leer wat dit beteken: Ek wil barmhartigheid hê en nie offerande nie; want Ek het nie gekom om regverdiges te roep nie, maar sondaars tot bekering. Mat 10:34 Moenie dink dat Ek gekom het om vrede op die aarde te bring nie. Ek het nie gekom om vrede te bring nie, maar die swaard*) Simbolies is die Tabernakel 'n liggaam wat YAHUSHA se Liggaam voorstel. Kyk gerus na Open. 21:3 *En ek het 'n groot stem uit die hemel hoor sê: Kyk, die Tabernakel (YAHUSHA) van VADER is by die mense, en Hy sal by hulle woon, en hulle sal Sy volk wees; en VADER self sal by hulle wees as hulle VADER.*

In die Tabernakel het daagliks verskillende bloedoffers gevloei vir verskillende redes, waarvan YHUH gesê het in *Jes. 1:11 Ek is sat van die brandoffers van ramme en die vet van vetgemaakte kalwers; en Ek het geen behae in die bloed van stiere of lammers of bokke....*, Slagoffer en spysoffer het nie 'n lossing van die dood gegee nie, maar wel die "Gesalfde YAHUSHA" ons Losser het die dood oorwin. YAHUSHA het dan eenmaal, soos die diere, Sy bloed vir ons kom stort, maar met daardie verskil; in die ou Tabernakel het daar priesters diens gedoen wat Wet en Orde gehandhaaf het en daardie priesters het ons geword deur YAHUSHA wat ons nou as hoof en priester van ons huisgesinne maak.

Ons as die uitverkore volk gaan weer die tweede party word in die Verbond wat voorlê saam met ons Skepper. YAHUSHA het kom vervul, maar orde en herstel moet nog intree deur VADER.

Ons gaan dus weer onder die Ou Verbond se reëls val, maar met die verskil dat YAHUSHA in die Tempel se plek is en dat VADER die tweede party is. (*Volk, Seun en VADER*) Onthou in die Ou Sinaitiese Verbond was die verbond met ons voorvaders gesluit deur YHUH, waarvan Hy nou die middelaar geword het as "SHA" (*Losser*)

(*Joh. 14:6 YAHUSHA antwoord hom: Ek is die weg en die waarheid en die lewe; niemand kom na die VADER behalwe deur My nie.*)

YAHUSHA is die Vlees en die bloed verbond. (*Joh. 6:56 Wie my vlees eet en my bloed drink, bly in My en Ek in hom. Mat 26:26... Neem, eet, dit is my liggaam. 26:27... Drink almal daaruit. 26:28 Want dit is my bloed, die bloed van die nuwe Verbond, wat vir baie uitgestort word tot vergifnis van sondes.*)

Hy noem ons nou vriende wat verkeerdelik vertaal is. Dit moet Verbond kneg wees (G1401) of nog meer, want ons is die tweede party.

(*Joh 15:15 Ek noem julle nie meer diensknegte nie, omdat die dienskneg nie weet wat sy heer doen nie. Maar Ek het julle vriende genoem, omdat Ek alles wat Ek van my VADER gehoor het, aan julle bekend gemaak het.*)

YHUH wil weer trou met die volk, daarom die bekentenis aan ons. 'n Dienskneg bedien tog sy heer wat aan tafel sit en ons as Israel sit saam aan tafel.

#### Om af te sluit:

Die Ou Verbond wat ons nog gedeeltelik in is, is aan die verdwyn en die Nuwe Verbond wat aan die kom is gaan VADER met ons as Israel 'n Verbond aangaan waarvan YHUH (*Sy Seun*) as Middelaar gaan wees.

Ons praat van bloed -verbonde met ons voorvaders en hul tekens. Ons praat van vervulling van alle bloed verbonde deur YAHUSHA. Ons weet ook dat alles deur bloed gereinig word of bevestig word. (Lev. 14:14) Die teken wat ingetree het was nie 'n Verbond nie, maar 'n herinnering aan die Verbond wat jy aan jou sal vind die dag met verstand. (M.a.w. oerlike verantwoordelikheid.) Die besnyding wat voortdurend was, het YAHUSHA eenmalig kom vervul. YAHUSHA het daardie, ou Verbonde van bloed, eenmalig vervul en volbring aan die folterpaal, (Joh.19:30) Onthou wat in Luk 10:16 staan: *Wie na julle luister, luister na My; en wie julle verwerp, verwerp My; en wie My verwerp, verwerp Hom wat My gestuur het.*

M.a.w. simbolies drink ons die wyn en eet ons die brood wat die Verbond vervul, maar die teken soos bo wat jy ontvang, is die ontvangs van die Gees van VADER (*Gawes van die Gees van VADER*) Hoekom? Omdat, as baba (nuweling) het jy 'n teken gekry wat latent lê *tot op Wetsoortredings besef, dan* kom jy agter dat jy wetteloos gelewe het. Nou kom Inkering, Bekering en die Doop (*moet nooit die fout maak en dink dat die water doop in die Besnyding se plek gekom het nie*) waarvan VADER nou jou die Geboorte van bo gaan skenk, en daarbenewens is jou hart nou besny.

Eenmaal het YAHUSHA gekom, en eenmaal deur YAHUSHA die geleentheid van die Geboorte van bo!! (Joh. 1:13; 3:3)

Die liefde is maar net woorde totdat dit bewys word, sonder "doen" bly liefde 'n woord; daarom is YAHUSHA se Liggaam (*die Brood*) en bloed (*die Wyn*) net woorde totdat dit gebruik word. Liefde tot VADER is deur SY Seun. Om liefde te betoon is om die Geboorte te onderhou.